



# ააიპ ილიას სახელმწიფო უნივერსიტეტი

ბრძანება № 03-222



ქ. თბილისი

9.08.2013

2013-2014 სასწავლო წელს ჩარიცხული ილიას სახელმწიფო უნივერსიტეტის სტუდენტებისათვის სწავლის საფასურის ოდენობის განსაზღვრის შესახებ

უმაღლესი განათლების შესახებ საქართველოს კანონის 23-ე მუხლის პირველი პუნქტისა და 24-ე მუხლის პირველი პუნქტის "ზ" ქვეპუნქტის, საქართველოს განათლებისა და მეცნიერების მინისტრის 2012 წლის 6 ნოემბრის №235/ნ ბრძანებით დამტკიცებული, ა(ა)იპ ილიას სახელმწიფო უნივერსიტეტის წესდების მე-18 მუხლის მესამე პუნქტისა და ამავე მუხლის მეოთხე პუნქტის "ი" ქვეპუნქტის, 2013 წლის 30 ივლისის ილიას სახელმწიფო უნივერსიტეტის მეცნიერებათა და ხელოვნების ფაკულტეტის საბჭოს №21 სხდომის ოქმის და მეცნიერებათა და ხელოვნების ფაკულტეტის დეკანის მოვალეობის შემსრულებლის, ლელა ხომერიკის 2013 წლის 07 აგვისტოს წარდგინების (რეგისტრ. №03-12179) საფუძველზე

## ვ ბ რ ძ ა ნ ე ბ

1. 2013-2014 სასწავლო წელს ჩარიცხული ილიას სახელმწიფო უნივერსიტეტის სტუდენტებისათვის სწავლის საფასურის ოდენობა განისაზღვროს დანართი 1-ის შესაბამისად;
2. კონტროლი ბრძანების შესრულებაზე დაევალოს აღრიცხვა-ანგარიშის სამმართველოს;
3. დაევალოს კანცელარიას ბრძანების ასლები დანართის თანხლებით მიაწოდოს აღრიცხვა-ანგარიშის სამმართველოს, საფინანსო სამმართველოს, ხარისხის უზრუნველყოფის სამსახურს, საინფორმაციო ტექნოლოგიების სამსახურს, ფაკულტეტებს, სამდივნოს;
4. დაევალოს უნივერსიტეტის სამდივნოს ბრძანების უნივერსიტეტის ვებ-გვერდზე განთავსება და დაინტერესებული პირებისათვის ბრძანების საჯარო წესით გაცნობა.

ადმინისტრაციის ხელმძღვანელი

*ქავთაძე*

ზურაბ ჯავახიშვილი